

mg

gi



BUSINESS SOLUTIONS
WORLDWIDE

სააქციო საზოგადოება
„საერთაშორისო სადაზღვევო კომპანია
კამარა“

ფინანსური ანგარიშგება
2016 წლის 31 დეკემბრის მდგომარეობით
და
დამოუკიდებელი აუდიტორების დასკვნა

შინაარსი

მენეჯმენტის პასუხისმგებლობის განსაზღვრა.....	3
დამოუკიდებელ აუდიტორთა დასკვნა	5
ფინანსური მდგომარეობის ინდივიდუალური ანგარიშგება	7
მოგება-ზარალის და სხვა სრული შემოსავლის ინდივიდუალური ანგარიშგება.....	8
ფულადი ნაკადების ინდივიდუალური ანგარიშგება.....	9
კაპიტალის ცვლილებების ინდივიდუალური ანგარიშგება.....	10
ინდივიდუალური ფინანსური ანგარიშგების შენიშვნები	11

მენეჯმენტის პასუხისმგებლობის განსაზღვრა

სს „საერთაშორისო სადაზღვევო კომპანია კამარა“

ხელმძღვანელობის პასუხისმგებლობის ანგარიში 2016 წლის 31 დეკემბრის მდგომარეობით მომზადებული ფინანსური ანგარიშგების მომზადებასა და დამტკიცებაზე.

წინამდებარე ანგარიშგება განიხილება დამოუკიდებელ აუდიტორთა დასკვნაში აღწერილ დამოუკიდებელ აუდიტორთა ვალდებულებებთან ერთად იმ მიზნით, რათა გამოიწილოს იქნას ხელმძღვანელობისა და დამოუკიდებელ აუდიტორთა პასუხისმგებლობა სს „საერთაშორისო სადაზღვევო კომპანია კამარა“-ს („ორგანიზაცია“) ფინანსურ ანგარიშგებასთან მიმართებაში.

ხელმძღვანელობა პასუხისმგებელია ფინანსური ანგარიშგების მომზადებაზე, რომელიც სამართლიანად ასახავს ორგანიზაციის ფინანსურ მდგომარეობას 2016 წლის 31 დეკემბრის მდგომარეობით, მის მიერ წარმოებული ოპერაციების შედეგებს, ფულადი სახსრების მოძრაობას და კაპიტალის ცვლილებას ამავე თარიღით დასრულებული წლისათვის ფინანსური ანგარიშგების საერთაშორისო სტანდარტების („ფასს“) შესაბამისად.

ფინანსური ანგარიშგების მომზადებისას ხელმძღვანელობა პასუხისმგებელია:

- მართებული ბუღალტრული პრინციპების არჩევასა და მათ თანმიმდევრულად შესრულებაზე;
- განსჯასთან და შეფასებებთან დაკავშირებულ მართებული და გონივრული გადაწყვეტილებების მიღებაზე;
- ფინანსური ანგარიშგების მომზადებაზე ფუნქციონირებადი საწარმოს დამგების საფუძველზე, გარდა იმ შემთხვევისა, როდესაც არ ივარაუდება, რომ ორგანიზაცია გააგრძელებს საქმიანობას უახლოეს მომავალში.

ხელმძღვანელობა აგრეთვე პასუხისმგებელია:


- ორგანიზაციაში ეფექტური და მყარი შიდა კონტროლის სისტემის შემუშავებაზე, დანერგვასა და შენარჩუნებაზე;
- ისეთი საბუღალტრო ჩანაწერების წარმოებაზე, რომელიც ნებისმიერ დროს უზრუნველყოფს ორგანიზაციის ფინანსური მდგომარეობის საკმარისი სიზუსტით წარდგენას და ასევე ფინანსური ანგარიშგების ფასს-ის მოთხოვნებთან შესაბამისობას;
- სავალდებულო ბუღალტრული ჩანაწერების წარმოებაზე საქართველოს კანონმდებლობისა და ბუღალტრული სტანდარტების შესაბამისად;
- ორგანიზაციის აქტივების უსაფრთხოების უზრუნველსაყოფად საჭირო ქმედებების განხორციელებაზე; და
- თაღლითობის, შეცდომებისა და სხვა დარღვევების აღმოჩენასა და თავიდან აცილებაზე.

2016 წლის 31 დეკემბრის მდგომარეობით არსებული ფინანსური ანგარიშგება ხელმოწერილ იქნა გამოსაშვებად 2017 წლის 22 თებერვალს.

მენეჯმენტის სახელით:


გენერალური დირექტორი
უკა ცენტრამე

22 თებერვალი, 2017 წელი
თბილისი, საქართველო




ფინანსური დირექტორი
ლევან ელიაური

22 თებერვალი, 2017 წელი
თბილისი, საქართველო

№ _____ 20 _____ წ.

დამოუკიდებელ აუდიტორთა დასკვნა

სააქციო საზოგადოება „საერთაშორისო სადაზღვევო კომპანია კამარა“-ს მენეჯმენტს:

დასკვნა ფინანსური ანგარიშგების შესახებ

ჩვენ ჩავატარეთ სს „საერთაშორისო სადაზღვევო კომპანია კამარა“-ს თანდართული ფინანსური ანგარიშგების აუდიტი, რომელიც მოიცავს საბალანსო უწყის 2016 წლის 31 დეკემბრის მდგომარეობით, აგრეთვე მასთან დაკავშირებული მოგებისა და ზარალის, ფულადი სახსრების მოძრაობისა და კაპიტალში ცვლილებების ანგარიშგების უწყისებს აღნიშნული თარიღით დასრულებული წლისათვის და ასევე ბუღალტრული აღრიცხვის პოლიტიკის ძირითადი პრინციპებისა და სხვა ახსნა-განმარტებითი შენიშვნების მოკლე მონახაზს.

ხელმძღვანელობის პასუხისმგებლობა ფინანსურ ანგარიშგებაზე

ხელმძღვანელობა პასუხისმგებელია ამ ფინანსური ანგარიშგებების მომზადებასა და სამართლიან წარდგენაზე ფინანსური ანგარიშგების საერთაშორისო სტანდარტების შესაბამისად. მოცემული პასუხისმგებლობა მოიცავს: შიდა კონტროლის სისტემის შემუშავებას, დანერგვას და შენარჩუნებას, რაც საჭიროა ისეთი ფინანსური ანგარიშგების მომზადებისა და წარდგენისათვის, რომელიც არ შეიცავს შეცდომით და თაღლითობით გამოწვეულ არსებით უზუსტობას; აგრეთვე ბუღალტრული აღრიცხვის შეაფერისი პოლიტიკის შერჩევასა და დანერგვას და მოცემულ გარემოებებისათვის შესაბამისი და დასაბუთებული ბუღალტრული შეფასებების გაკეთებას.

აუდიტორის პასუხისმგებლობა

ჩვენი პასუხისმგებლობაა ჩვენს მიერ ჩატარებულ აუდიტზე დაყრდნობით გამოვთქვათ მოსაზრება ამ ფინანსურ ანგარიშგებაზე. ჩვენ აუდიტი ჩავატარეთ აუდიტის საერთაშორისო სტანდარტების შესაბამისად. ეს სტანდარტები მოითხოვს, რომ ჩვენი სამუშაო შეესაბამებოდეს ეთიკის ნორმებს და აუდიტის იმგვარად დაგეგმვასა და ჩატარებას რომ მივიღოთ უტყუარი რწმუნება იმისა, რომ ფინანსური ანგარიშგება არ შეიცავს არსებით უზუსტობებს.

აუდიტი მოიცავს გარკვეული პროცედურების ჩატარებას ფინანსურ ანგარიშგებაში წარმოდგენილ თანხებსა და განმარტებებზე აუდიტორული მტკიცებულების მოსაპოვებლად. შერჩეული პროცედურები დამოკიდებულია აუდიტორის პროფესიულ განსჯაზე, რომელიც მოიცავს ფინანსურ ანგარიშგებებში თაღლითობის ან შეცდომის შედეგად წარმოქმნილი არსებითი უზუსტობის რისკის შეფასებას. არსებული გარემოებების შესაფერისი აუდიტორული პროცედურების შემუშავებისთვის, მაგრამ არა ორგანიზაციის შიდა კონტროლის ეფექტურობაზე დასკვნის გაკეთების მიზნით, აუდიტორი რისკის შეფასებისას ითვალისწინებს შიდა კონტროლის სისტემებს, რომლებიც საჭიროა ფინანსური ანგარიშგების მომზადებისა და სამართლიანი წარდგენისათვის.

ჩვენ მიგვაჩნია, რომ მტკიცებულებები, რომლებიც აუდიტისას მოვიპოვეთ აუდიტის დასკვნისათვის საკმარის და მართებულ საფუძველს წარმოადგენს.

დასკვნა

ჩვენი აზრით წარმოდგენილი ფინანსური ანგარიშგება უტყუარად და სამართლიანად ასახავს „საერთაშორისო სადაზღვევო კომპანია კამარა“-ს ფინანსურ მდგომარეობას 2016 წლის 31 დეკემბრის მდგომარეობით, მისი საქმიანობის შედეგებსა და ფულადი სახსრების მოძრაობას მოცემული თარიღით დასრულებული წლისათვის ფინანსური ანგარიშგების საერთაშორისო სტანდარტების შესაბამისად.

შპს აუდიტორული და საკონსულტაციო სამსახური „ემჯიი ჯორჯია“

MGI Worldwide-ის წევრი

22 თებერვალი, 2017 წელი


თბილისი, საქართველო

გ.ხუბუა



სს „საერთაშორისო სადაზღვევო კომპანია კამარა“
ფინანსური მდგომარეობის ინდივიდუალური ანგარიშგება
 2016 წლის 31 დეკემბრის მდგომარეობით
 საანგარიშგებო ვალუტა ლარი

	შენიშვნა	31.12.2015	31.12.2016
აქტივები			
ფული და ფულადი ექვივალენტები	5	1 253 751	2 904 122
სადაზღვევო მოთხოვნები		293	32 379
გადავადებული საკომისიო ხარჯი		8 243	16 862
სხვა აქტივები	6	769 369	32 302
ჯამურად მიმდინარე აქტივები		2 031 657	2 985 666
ფიქსირებული აქტივები	7	134 607	143 667
არამატერიალური აქტივები	8	648	66 029
გადავადებული საგადასახადო აქტივი	9	53 084	65 026
ჯამურად გრძელვადიან აქტივები		188 339	274 722
სულ აქტივები		2 219 996	3 260 387
ვალდებულებები			
სადაზღვევო რეზერვები	10	149 950	111 506
სხვა სადაზღვევო ვალდებულებები		1 284	16 291
სხვა ვალდებულებები	11	171 857	337 089
ჯამურად მოკლევადიანი ვალდებულებები		323 092	464 886
სულ ვალდებულებები		323 092	464 886
კაპიტალი			
საწესდებო კაპიტალი		2 500 000	3 500 000
გაუნაწილებელი მოგება		(603 096)	(704 498)
სულ კაპიტალი		1 896 904	2 795 502
სულ ვალდებულებები და კაპიტალი		2 219 996	3 260 387


 გენერალური დირექტორი
 ვკა ცენტრაძე

22 თებერვალი, 2017
 თბილისი, საქართველო




 ფინანსური დირექტორი
 ლევან ელიაური

22 თებერვალი, 2017
 თბილისი, საქართველო

სს „საერთაშორისო სადაზღვევო კომპანია კამარა“
 მოგება ზარალის და სხვა სრული შემოსავლის
 ინდივიდუალური ანგარიშგება
 2016 წლის 31 დეკემბრის მდგომარეობით
 საანგარიშგებო ვალუტა ლარი

	შენიშვნა	12 თვე, 2015წ.	12 თვე, 2016წ.
შემოსავლები			
მოზიდული პრემია, ბრუტო		65 740	272 988
მინუს: გადაზღვევის წილი			
მოზიდულპრემიაში		-	-
მოზიდული პრემია, ნეტო		65 740	272 988
გამოუმუშავებელი პრემიის რეზერვის			
ცვლილება, ნეტო		35 692	
გამომუშავებული პრემია, ნეტო		30 048	272 988
შემოსავალი რეგრესიდან და			
გადარჩენილი ქონებიდან, ნეტო		71 257	57 524
საინვესტიციო შემოსავალი		19 881	17 303
საკომისიო შემოსავალი შეფასებიდან		1 100	800
სხვა არასაოპერაციო შემოსავლები	12	127 589	216 130
სულ შემოსავალი		249 874	564 745
ხარჯები			
ანაზღაურებული ზარალები		203 838	203 198
ცვლილება ზარალების რეზერვში		(204 076)	(94 294)
საკომისიო ხარჯები		6 644	60 391
სხვა საოპერაციო ხარჯები		22 481	-
სადაზღვევო ზარალები, ნეტო		28 886	169 295
ხელფასის ხარჯი			
ადმინისტრაციული ხარჯები	13	127 509	211 919
საგადასახადო ხარჯები		1 208	1 128
ცვეთის ხარჯი		12 672	22 948
სხვა არასაოპერაციო ხარჯები	14	40 879	40 217
		-	
სულ ხარჯები		320 508	678 089
მოგება (ზარალი) დაბეგვრამდე		(70 633)	(113 344)
მოგების გადასახადი		(15 740)	11 942
წმინდა მოგება (ზარალი)		(86 373)	(101 403)

გენერალური დირექტორი
 კვა ცენტრაძე

22 თებერვალი, 2017
 თბილისი, საქართველო



ფინანსური დირექტორი
 ლევან ელიაური

22 თებერვალი, 2017
 თბილისი, საქართველო

	31.12.2015	31.12.2016
ფულადი ნაკადების საოპერაციო საქმიანობიდან:		
შემოდინება სადაზღვევო პრემიიდან	65 697	295 670
შემოდინება რეგრესიდან	68 457	38 024
შემოდინება სხვა საოპერაციო შემოსავლებიდან	88 946	366 016
გადინება სადაზღვევო ზარალების მიხედვით	(203 838)	(202 257)
გადინება აგენტის საკომისიოს მიხედვით	(10 041)	(43 480)
გადინება ხელფასები და სხვა განაცემების მიხედვით	(89 063)	(187 846)
გადინება გადასახადების მიხედვით	(42 741)	(77 998)
გადინება სხვა საოპერაციო ხარჯების მიხედვით	(173 216)	(445 859)
წმინდა ფულადი ნაკადები საოპერაციო საქმიანობიდან	(295 799)	(257 730)
ფულადი ნაკადები საინვესტიციო საქმიანობიდან:		
შემოდინება დეპოზიტებიდან დარიცხული პროცენტის მიხედვით	16 663	19 487
გადინება ძირითადი საშუალებების შესაძენად	(5 491)	(25 028)
გადინება არამატერიალური აქტივების შესაძენად		(53 886)
წმინდა ფულადი ნაკადები საინვესტიციო საქმიანობიდან	11 172	(59 427)
ფულადი ნაკადები ფინანსური საქმიანობიდან:		
შემოდინება საკუთარი წილის რეალიზაციით	300 169	1 762 919
წმინდა ფულადი ნაკადები საფინანსო საქმიანობიდან	300 169	1 762 919
ფულადი სახსრები და მათი ეკვივალენტები პერიოდის დასაწყისში, მათ შორის:		
ფულადი სახსრები და მათი ეკვივალენტები მიმდინარე ანგარშებზე	1 372	269 278
ფულადი სახსრები და მათი ეკვივალენტები განთავსებულ დეპოზიტებზე	1 131 312	984 473
კურსთაშორისი სხვაობიდან მოგება(ზარალი) ფულსა და ფულად ეკვივალენტებზე	105 524	204 609
სულ ფულადი სახსრები და მათი ეკვივალენტები პერიოდის დასაწყისში	1 238 208	1 458 360
ფულისა და ეკვივალენტების ნეტო ცვლილება	15 543	1 445 762
ფულადი სახსრები და მათი ეკვივალენტები პერიოდის ბოლოს	1 253 751	2 904 122

გენერალური დირექტორი
 ეკა ცენტერაძე

22 თებერვალი, 2017
 თბილისი, საქართველო



ფინანსური დირექტორი
 ლევან ელიაური

22 თებერვალი, 2017
 თბილისი, საქართველო

სს „საერთაშორისო სადაზღვევო კომპანია კამარა“
 კაპიტალში ცვლილებების ინდივიდუალური ანგარიშგება
 2016 წლის 31 დეკემბრის მდგომარეობით
 საანგარიშგებო ვალუტა ლარი

	საწესდებო კაპიტალი	გაუნაწილებელი მოგება/ზარალი	ჯამურად
ნაშთი 2014 წლის 31 დეკემბრის მდგომარეობით	2 500 000	(516 723)	1 983 277
პერიოდის წმინდა მოგება	-	(86 373)	(86 373)
ნაშთი 2015 წლის 31 დეკემბრის მდგომარეობით	2 500 000	(603 096)	1 896 904
პერიოდის წმინდა მოგება		(101 403)	(101 403)
ინვესტიცია სააქციო კაპიტალში	1 000 000	-	-
ნაშთი 2016 წლის 31 დეკემბრის მდგომარეობით	3 500 000	(704 498)	2 795 502

გენერალური დირექტორი
 ეკა ცენტერაძე

22 თებერვალი, 2017
 თბილისი, საქართველო



ფინანსური დირექტორი
 ლევან ელიაური

22 თებერვალი, 2017
 თბილისი, საქართველო

ფინანსური ანგარიშგების ახსნა-განმარტებითი შენიშვნები

1. ძირითადი საქმიანობა

სს „საერთაშორისო სადაზღვევო კომპანია კამარა“ (შემდგომში - „ორგანიზაცია“) დაფუძნდა 2013 წლის 13 მაისს, მარეგისტრირებული ორგანო არის სსიპ საჯარო რეესტრის ეროვნული სააგენტო, იურიდიული მისამართი: საქართველო, თბილისი, ვაკე-საბურთალოს რაიონი, ა. კალანდაძის ქ. #4. შპს „საერთაშორისო სადაზღვევო კომპანია კამარა - KAMARA“ -მ 2015 წლის 07 დეკემბერს შეიცვალა სამართლებრივი ფორმა და ჩამოყალიბდა როგორც სააქციო საზოგადოება. აქციის ნომინალური ღირებულება არის 1 ლარი. სულ გამოშვებულია 3,500,000 აქცია. საზოგადოების აქციების მფლობელები არიან არიან: ჩეთინ აიდინ (პ/ნ 20692382642) - 61%, ჰუსეინ იამან (პ/ნ 48838112892) - 39%.

ორგანიზაცია ახორციელებს სადაზღვევო საქმიანობას. ორგანიზაცია საქმიანობს საქართველოში. შესაბამისად ორგანიზაციაზე ზემოქმედებს საქართველოში მოქმედი ეკონომიკური ფაქტორები და ფინანსური ბაზრები, რაც განვითარებადი ბაზრის თვისებებს ავლენს. ორგანიზაციას გაეცა სადაზღვევო ლიცენზია 2013 წლის 11 ოქტომბერს, სალიცენზიო მოწმობის #NL013, გაცემულია სსიპ საქართველოს დაზღვევის სახელმწიფო ზედამხედველობის სამსახურის მიერ.

საკანონმდებლო, საგადასახადო და მარეგულირებელი სტრუქტურები განაგრძობს განვითარებას, თუმცა ისინი სხვადასხვანაირად ინტერპრეტირებული არიან და ხშირად ექვემდებარებიან ცვლილებებს, რაც სხვა საკანონმდებლო სირთულეებთან ერთად საქართველოში მოქმედი ორგანიზაციებისთვის გარკვეულ გამოწვევებს ქმნის.

ეს ფინანსური ანგარიშგება ასახავს მენეჯმენტის შეფასებებს საქართველოს ბიზნეს გარემოს გავლენაზე კომპანიის საქმიანობასა და ფინანსურ მდგომარეობაზე. მომავალი ბიზნეს გარემო შეიძლება განსხვავდებოდეს მენეჯმენტის ამ შეფასებებისაგან.

2. წარდგენის საფუძველი ბუღალტრული აღრიცხვის საფუძველი

ორგანიზაციას თანდართული ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების საბჭოს („ზასს“) მიერ დამტკიცებული ფინანსური ანგარიშგების საერთაშორისო სტანდარტებისა („ფასს“) და ფინანსური ანგარიშგების ინტერპრეტაციების საერთაშორისო კომიტეტის („ფაისკ“) მიერ გამოცემული ინტერპრეტაციების შესაბამისად.

აღნიშნული ფინანსური ანგარიშგება წარმოდგენილია ქართულ ლარში, თუ სხვა რამ არ არის მითითებული.

საანგარიშგებო ვალუტა

წარმოდგენილი ფინანსური ანგარიშგების საანგარიშგებო ვალუტაა – ქართული ლარი.

3. ბუღალტრული აღრიცხვის ძირითადი პოლიტიკა

3.1 ფინანსური ინსტრუმენტების აღიარება და შეფასება

ფინანსური აქტივებისა და ვალდებულებების აღიარება ხდება გარიგების თარიღის მდგომარეობით. ფინანსური ინსტრუმენტების რეგულარული ხასიათის მქონე შესყიდვები, რომლებიც შემდგომში შეფასდება გაყიდვისა და ანგარიშსწორების დღეებს შორის სამართლიანი ღირებულებით, აღირიცხება შესყიდული ინსტრუმენტების ანალოგიურად.

ფინანსური აქტივების და ვალდებულებების თავდაპირველი აღიარება ხდება სამართლიან ღირებულებას პლუს, თუ ფინანსური აქტივი ან ვალდებულება არ არის სამართლიანად ასახული მოგება-ზარალის გატარებით, ის დანახარჯები რომლებიც უშუალოდ მიეკუთვნება ფინანსურ აქტივთან და ვალდებულებასთან დაკავშირებულ გარიგებას. აღნიშნული აქტივების და ვალდებულებების გადაფასების პოლიტიკა აღწერილია ბუღალტრული აღრიცხვის ქვემოთ მოყვანილ პრინციპებში.

3.2 ფულადი სახსრები და მათი ექვივალენტები

ფულადი სახსრები და მათი ექვივალენტები მოიცავს მიმდინარე საბანკო ანგარიშებზე არსებულ ნაშთებს.

3.3 კონტრაქტების კლასიფიცირება

სადაზღვევო კონტრაქტები არის კონტრაქტები რის მიხედვითაც ორგანიზაცია იღებს სადაზღვევო რისკს სხვა მხარესგან („დაზღვეული“), იმის შესახებ, რომ ის აუნაზღაურებს მას ან სხვა მოსარგებლეს ზარალს განსაზღვრულ გაურკვეველ სამომავლო შემთხვევებში („სადაზღვევო შემთხვევა“), რომელიც ნეგატიურად მოქმედებს დაზღვეულზე ან სხვა მოსარგებლეზე. სადაზღვევო რისკი განსხვავდება ფინანსური რისკისგან. ფინანსური რისკი ეხება საპროცენტო განაკვეთის, ფასიანი ქაღალდების და სასაქონლო ფასების, სავალუტო კურსების, ფასების და განაკვეთების ინდექსების, საკრედიტო რეიტინგის და ინდექსების ან სხვა ცვლადების მომავალში შესაძლო ცვლილებებს, სადაც არაფინანსური ცვლადი არ არის განსაზღვრული კონტრაქტის მხარისათვის. სადაზღვევო კონტრაქტი შეიძლება ატარებდეს გარკვეულ ფინანსურ რისკს. სადაზღვევო რისკი კლასიფიცირდება მნიშვნელოვნად მხოლოდ მაშინ, როცა სადაზღვევო შემთხვევამ კომპანიისთვის შეიძლება გამოიწვიოს მნიშვნელოვანი ზარალის ანაზღაურება.

სადაზღვევო კონტრაქტი, კლასიფიკაციის შემდეგ რჩება ასეთად სანამ ყველა უფლება და მოვალეობა არ არის ამოწურული ან ვადაგასული. ისეთი კონტრაქტები, რითაც ხდება უმნიშვნელო სადაზღვევო რისკების ორგანიზაციისთვის გადაცემა კლასიფიცირდება როგორც ფინანსური ინსტრუმენტები.

ფინანსური გარანტიების კონტრაქტები მიღებულია როგორც სადაზღვევო კონტრაქტები.

3.4 კონტრაქტების აღიარება და შეფასება

სადაზღვევო კონტრაქტები

სადაზღვევო პრემიები

ბრუტო მოზიდული პრემია მოიცავს წლის განმავლობაში შეყვანილ პრემიებს, იმის მიუხედავად მთლიანად შეესაბამება შემდეგ საანგარიშო პერიოდს თუ ნაწილობრივ. პრემიები ნაჩვენებია შუამავლებისთვის გადასახდელი საკომისიოების ჩათვლით. პრემიის გამომუშავებული ნაწილი აღიარებულია შემოსავლად. პრემიები გამომუშავდება პოლისის ძალაში შესვლიდან სადაზღვევო პერიოდის განმავლობაში ყოველდღიურად (პრო-რატა მეთოდით). გადაზღვევის პრემია აღიარებულია ხარჯად ასევე ყოველდღიურად (პრო-რატა მეთოდით). გადაზღვევის პრემიის ის ნაწილი რომელიც არ არის აღიარებული ხარჯად აღიქმება როგორც გადაზღვევის აქტივი.

პოლისების გაუქმებები

პოლისები უქმდება მაშინ როცა არის ობიექტური დაშვება იმისა, რომ დაზღვეული/დამზღვევი აღარ ან ვეღარ იხდის სადაზღვევო პრემიას. შესაბამისად გაუქმება მოქმედებს ისეთ პოლისებზე სადაც პირობების მიხედვით პრემია გადაიხდება განვადებით.

გამომუშავებული პრემიის რეზერვი

გამომუშავებული პრემიის რეზერვი მოიცავს ბრუტო მოზიდული პრემიის იმ ნაწილს, რომელიც მოსალოდნელია გამომუშავდეს მომდევნო ან შემდეგი წლების განმავლობაში. იგი გამოთვლილია ცალცალკე ყოველი სადაზღვევო კონტრაქტზე დღიურად (პრო-რატა მეთოდით).

სადაზღვევო ზარალები

დამდგარი ზარალები ნეტო მოიცავს საანგარიშგებო წლის განმავლობაში ანაზღაურებულ ზარალებს ასანაზღაურებელი ზარალების რეზერვის მოძრაობასთან ერთად. ასანაზღაურებელი ზარალები მოიცავს ორგანიზაციის მიერ მომხდარი მაგრამ ასანაზღაურებელი ზარალების დარეგულირებასთან დაკავშირებული ხარჯების რეზერვების გამოთვლებს საანგარიშგებო პერიოდის უკანასკნელი დღისთვის, როგორც გაცხადებულის ასევე განუცხადებლის.

ასანაზღაურებელი ზარალები დგინდება ზარალების ინდივიდუალური განხილვის და მომხდარი მაგრამ განუცხადებელი ზარალების რეზერვების გათვლებით, რომელშიც გათვალისწინებულია შიდა და გარე განჭვრეტადი მოვლენები, ისეთი როგორიცაა სამართლებრივი ცვლილებები და წარსული გამოცდილებები და ტრენდები. ასანაზღაურებელი ზარალების რეზერვის დისკონტირება არ ხდება.

3.4 კონტრაქტების აღიარება და შეფასება (გაგრძელება)

დაგეგმილი გადაზღვევის და რეგრესების მისაღები თანხები აღიარებულია როგორც აქტივი. გადაზღვევის და რეგრესების ამოღებები დგინდება იგივენაირად როგორც ასანაზღაურებელი ზარალები.

წინა წელს დარეზერვებული ზარალების ოდენობების კორექტირებები აისახება ფინანსურ ანგარიშგებაში იმ პერიოდით როცა კორექტირება არის გაკეთებული და მატერიალურობის შემთხვევაში ცალკეა განმარტებული. გამოყენებული მეთოდების და გათვლების გადახედვა ხდება რეგულარულად.

გადავადებული აკვიზიციური ხარჯი (DAC)

პერიოდის განმავლობაში გაწეული ის პირდაპირი და არაპირდაპირი დანახარჯები, რომლებიც დაკავშირებულია სადაზღვევო კონტრაქტების მოზიდვასთან ან განახლებასთან, გადავადდება მომავალ პერიოდებზე, მხოლოდ იმ შემთხვევაში, თუკი მოსალოდნელია, რომ ეს დანახარჯები მომავალში ანაზღაურდება მიღებული სადაზღვევო პრემიებიდან. ყველა სხვა აკვიზიციური ხარჯები აღიარდება ხარჯებად იმ პერიოდში, როდესაც იქნა გაწეული.

თავდაპირველი აღიარების შემდგომ ზოგადი დაზღვევის აკვიზიციური ხარჯები ამორტიზირდება იმ პერიოდის განმავლობაში, რა პერიოდშიც ხდება დაკავშირებული შემოსავლების გამომუშავება.

ვალდებულების ადეკვატურობის ტესტი

ყოველი საბალანსო თარიღისთვის, ტარდება ვალდებულების შესაბამისობის შემოწმება, გამოუმუშავებელი პრემიების საკმარისობის უზრუნველსაყოფად, გადავადებული აკვიზიციური ხარჯის აქტივების გამოკლებით. შემოწმებისას გამოიყენება მომავალი ფულადი ნაკადების, ზარალების მართვის, პოლისის ადმინისტრირებისა და მათ უზრუნველსაყოფად გაწეული საინვესტიციო საქმიანობიდან შემოსავლის საპროგნოზო მაჩვენებლები. იმ შემთხვევაში თუ გამოვლინდა დანაკლისი შესაბამისი გადავადებული აკვიზიციური ხარჯი და შესაბამისი არამატარეალური აქტივი ჩამოიწერება, თუ საჭიროა იქმნება დამატებითი რეზერვი. ამ განსხვავების აღიარება ხდება წლის მოგებაში ან ზარალში.

სადაზღვევო მოთხოვნები

სადაზღვევო კონტაქტებიდან წარმოქმნილი მოთხოვნები კლასიფიცირდება, როგორც მოთხოვნები და მათი გაუფასურების განხილვა ხდება მოთხოვნების გაუფასურების ტესტირების მიხედვით.

3.4 კონტრაქტების აღიარება და შეფასება (გაგრძელება)

სადაზღვევო მოთხოვნები აღიარდება პოლისის გაცემისას და აღირიცხება ამორტიზირებული ღირებულებით. სადაზღვევო მოთხოვნების საბალანსო ღირებულების გაუფასურების განხილვა ხდება როგორც ინდივიდუალური ბალანსების დონეზე, აგრეთვე ჯამურად იმ ნაშთებზე, რომლებიც არ მოხდნენ ინდივიდუალურ განხილვაში. გაუფასურების განხილვა ხდება იმ შემთხვევაში თუკი მოვლენები ან გარემოებები მიუთითებენ, რომ ორგანიზაციამ შესაძლოა სრულად ვერ ამოიღოს მოთხოვნებიდან კუთვნილი თანხები. გაუფასურების ზარალი აღიარდება მოგება-ზარალის ანგარიშგებაში.

3.5 ძირითადი საშუალებები და ცვეთა

ძირითადი საშუალებები მოცემულია ისტორიული ღირებულებით მინუს ცვეთა. ისტორიული ღირებულება მოიცავს თანხებს, რომლებიც გაწეულია ამ აქტივების შეძენაზე. შემდგომი ხარჯები აისახება აქტივის შესაბამის მუხლებში ან ხდება მათი აღრიცხვა(აღიარება) ცალკეულ აქტივად იმ შემთხვევაში, თუ ნათელია, რომ მომავალში ამ აქტივის მეშვეობით ორგანიზაცია მიიღებს ეკონომიკურ სარგებელს და ამ აქტივის ღირებულების სარწმუნო (რეალური) შეფასება შესაძლებელია. აქტივების რემონტისა(შეკეთებისა) და შენახვის ღირებულება აისახება შემოსავლების უწყისში მათი წარმოჩენის პერიოდების მიხედვით.

ძირითადი საშუალებების ცვეთა გამოითვლება წრფივი მეთოდით საქართველოს საგადასახადო კოდექსით განსაზღვრული წესის მიხედვით და ყოველთვის არ შეესაბამება საერთაშორისო აღრიცხვის სტანდარტებს, ვინაიდან ეს მეთოდი ყოველთვის სათანადოდ არ განსაზღვრავს ამ აქტივებთან დაკავშირებულ მომავალ ეკონომიკურ სარგებელს.

ძირითადი საშუალებების ცვეთა გამოიქვითება აქტივების საბალანსო ღირებულებიდან და გამოიყენება აქტივების ჩამოსაწერად მათი ექსპლუატაციის ვადის ამოწურვამდე. ცვეთისა და ამორტიზაციის გაანგარიშება წარმოებს წრფივი მეთოდის გამოყენებით შემდეგი წლიური განაკვეთების გამოყენებით:

საოფისე და კომპიუტერული აღჭურვილობა	20-40%
ავეჯი და სხვა ინვენტარი	20-40%
არამატერიალური აქტივები	15-25%

ორგანიზაცია არ განიხილავს ცვეთის მეთოდებს და კოეფიციენტებს ყოველი საფინანსო წლის ბოლოს რომ ასახოს ხომ არ არსებობს რაიმე ნიშანი იმისა, რომ ორგანიზაციის რომელიმე ძირითადი საშუალება, რომლისგანაც სარგებელს მოეღოს გაუფასურებულია.

როდესაც ხდება ქონების ჩამოწერა ან სხვა სახით ცვლილება, ღირებულება და ცვეთა გადაიტანება ფინანსური ანგარიშგებიდან და ამასთან დაკავშირებული ყველა სახის მოგება ან ზარალი აისახება შემოსავლების უწყისში.

3.6 რეზერვები

რეზერვების (ანარიცხები) აღიარება ხდება როდესაც კომპანიას აქვს წარსული მოვლენის შედეგად წარმოშობილი მიმდინარე ვალდებულება (იურიდიული ან კონსტრუქციული), ამავე დროს სავარაუდოა, რომ კომპანიას მოუწევს ვალდებულების დასაფარად ეკონომიკური სარგებლის შემცველი რესურსების გაცემა და მაშინ როცა ვალდებულების თანხის საკმარისად საიმედოდ შეფასება შესაძლებელია.

3.7 კაპიტალი

კაპიტალი მოიცავს სააქციო კაპიტალსა და გაუნაწილებელ მოგებას. დივიდენდი აღიარდება როგორც ვალდებულება და აკლდება კაპიტალს მხოლოდ იმ შემთხვევაში, თუ მისი გაცემა გამოცხადებული იყო ბალანსის შედგენის თარიღისათვის.

3.8 გადასახადები

აუდიტირებადი პერიოდისათვის საქართველოს კანონმდებლობის მიხედვით მოგების გადასახადი 15%-ს შეადგენს.

მოგების გადასახადის გამოთვლა ხდება მოცემული პერიოდებისათვის შესაბამისი ფინანსური ანგარიშგების მონაცემებზე დაყრდნობით და მენეჯმენტის გათვლებზე დაყრდნობით საქართველოს საგადასახადო კანონმდებლობის გათვალისწინებით. საქართველოს კანონმდებლობის მიხედვით საგადასახადო ზარალის გადავადება ხდება 5 წლის განმავლობაში.

მოგების გადასახადის ხარჯი წარმოადგენს მიმდინარე და გადავადებული გადასახადების ხარჯების ჯამს.

მიმდინარე გადასახადის ხარჯი გამოითვლება წლის დასაბეგრი მოგებიდან. დასაბეგრი მოგება განსხვავდება წმინდა მოგებისაგან, რომელიც ასახულია მოგება-ზარალის ანგარიშში, ვინაიდან ის არ მოიცავს შემოსავლებისა და ხარჯების იმ ნაწილს, რომელიც ექვემდებარება დაბეგვრას ან გამოქვითვას წინა წლებში და აგრეთვე იმ ხარჯებს, რომელიც საერთოდ არ ექვემდებარება დაბეგვრას ან გამოქვითვას. ორგანიზაციას მიმდინარე გადასახადის ხარჯი გაანგარიშებულია იმ საგადასახადო განაკვეთით, რომლებიც მოქმედებდა ანგარიშგების პერიოდისათვის.

გადავადებული გადასახადი არის გადასახდელი ან გამოსაქვითი გადასახადი, რომელიც წარმოიქმნება ფინანსურ ანგარიშგებაში ასახული აქტივების და ვალდებულებების ნარჩენ ღირებულებათა შორის სხვაობიდან მიღებული დასაბეგრი ბაზის საფუძველზე და საბალანსო უწყისში აისახება ვალდებულების მეთოდის გამოყენებით. გადავადებული საგადასახადო ვალდებულებები ჩვეულებრივ აღიარებას ექვემდებარება ყველა დროებითი სხვაობისათვის, ხოლო გადავადებული საგადასახადო აქტივები აღიარებას ექვემდებარება იმდენად, რამდენადაც არსებობს საფუძვლიანი მოლოდინი იმისა, რომ იარსებებს დასაბეგრი მოგება, რომლის მიმართაც გამოყენებული იქნება არსებული დროებითი სხვაობა. აქტივების და ვალდებულებების აღიარება არ ხდება, თუ დროებითი განსხვავება გამოწვეულია აქტივების და ვალდებულებების პირველადი აღიარებით იმ ოპერაციებში, რომლებიც ზემოქმედებას არ ახდენს როგორც საგადასახადო მოგებაზე ასევე საბუღალტრო მოგებაზე.

3.9 საპროცენტო შემოსავალი და ხარჯი; საკომისიო შემოსავალი

საპროცენტო შემოსავალი და ხარჯი აღიარებულია როგორც მოგება ან ზარალი როგორც კი მოხდება დარიცხვა, აქტივის/ვალდებულების ეფექტური საპროცენტო ან მცოცავი განაკვეთის მიხედვით. საპროცენტო შემოსავალი და ხარჯი მოიცავს ამორტიზაციას ან სხვა ნებისმიერ სხვაობას შესაბამისი ინსტრუმენტის საბალანსო ოდენობასა და ეფექტურ საპროცენტო განაკვეთის საფუძველზე ვადიანობით გამოთვლილ ოდენობას შორის, სესხის ორგანიზების, მომსახურების, და სხვა ხარჯები რომელიც განუყოფელია სესხის მთლიან მომგებიანობასთან, პირდაპირ ხარჯებთან ერთად გადავადდება და უფასურდება საპროცენტო შემოსავალზე ფინანსური ინსტრუმენტის ხანგრძლივობის მიხედვით, ეფექტური საპროცენტო განაკვეთის მეთოდის გამოყენებით. სხვა საკომისიო შემოსავალი აღიარებულია როცა შესაბამისი მომსახურება არის გაწეული.

3.10 უცხოურ ვალუტაში განხორციელებული ოპერაციები

უცხოურ ვალუტაში განხორციელებული ოპერაციები აღირიცხება ქართულ ლარებში ოპერაციის დღისთვის დადგენილი კურსების შესაბამისად. უცხოურ ვალუტაში დომინირებული მონეტარული აქტივები და ვალდებულებები გადაიანგარიშება ლარებში ფინანსური ანგარიშგების შედგენის დღეს არსებული გაცვლითი კურსების შესაბამისად. საკურსო სხვაობებიდან მიღებული ფინანსური შედეგი აისახება იმ პერიოდის მოგება-ზარალის ანგარიშგებაში როდესაც ის წარმოიშვა.

ვალუტის გაცვლითი კურსი

ქვემოთ მოცემულია წლის ბოლოსათვის არსებული გაცვლითი კურსები, რომლებიც ორგანიზაციამ გამოიყენა ფინანსური ანგარიშგების შედგენისას:

	31 დეკემბერი 2015	31 დეკემბერი 2016
ლარი/1 აშშ დოლარი	2.3949	2.6468
ლარი/1 ევრო	2.6169	2.7940

3.11 ფინანსური აქტივების და ვალდებულებების გაქვითვა

ფინანსური აქტივები და ფინანსური ვალდებულებები იქვითება და ბალანსში აისახება წმინდა თანხით, იმ შემთხვევაში თუ ორგანიზაციას აქვს იურიდიული უფლება განხორციელოს ბალანსში აღიარებული თანხების გაქვითვა და განზრახული აქვს მოახდინოს აქტივის ჩათვლა წმინდა ღირებულებით ან ერთდროულად მოახდინოს აქტივის რეალიზაცია და ვალდებულების დაფარვა. ორგანიზაცია ვალდებულებებთან არ ქვითავს გადაცემულ ფინანსურ აქტივს.

3.12 პირობითი აქტივები და ვალდებულებები

პირობითი ვალდებულებები არ აისახება ბალანსში, მაგრამ წარმოდგენილია ანგარიშსწორებისას სახსრების ნებისმიერი გადინების შესაძლებლობის არსებობამდე. პირობითი აქტივი ბალანსში არ აისახება, მაგრამ წარმოდგენილია იმ შემთხვევაში, თუ ეკონომიკური მოგების მიღებაა ნავარაუდევო.

4. სადაზღვევო რისკების მართვა

4.1 რისკების მართვის მიზნები და სადაზღვევო რისკების შემცირების პოლიტიკები

ორგანიზაციის ძირითადი სადაზღვევო საქმიანობა უკავშირდება ზარალების რისკს რომელიც შეიძლება მომდინარეობდეს ფიზიკური პირებისგან ან ორგანიზაციებისგან. ასეთი რისკები უკავშირდება ქონებას, ვალდებულების შესრულებას, უბედურ შემთხვევას, ჯანმრთელობას, ტვირთს ან სხვა საფრთხეებს, რომელიც შეიძლება წარმოიშვას სადაზღვევო შემთხვევისგან. ამრიგად, ორგანიზაცია დგას სადაზღვევო კონტრაქტებიდან გამომდინარე ზარალების დროის და სიმძიმის მიხედვით გაურკვევლობის წინაშე.

მთავარი რისკი არის ზარალების ისეთი სიხშირე და სიმძიმე რომელიც აღემატება მოსალოდნელს. სადაზღვევო შემთხვევები თვისობრივად არის შემთხვევითი და ნებისმიერი ერთი წლის განმავლობაში შემთხვევების რეალური რიცხვი და ზომა შეიძლება განსხვავდებოდეს იმისგან, თუ რა იყო დადგენილი სტატისტიკური ტექნიკური საშუალებებით.

არა-სიცოცხლის სადაზღვევო პოლისებიდან გამომდინარე რისკი როგორც წესი ფარავს თორმეტ თვიან პერიოდს. სტანდარტული სადაზღვევო კონტრაქტებისთვის ყველაზე მნიშვნელოვანი რისკი გამომდინარეობს შესაბამის საკანონმდებლო გარემოში ცვლილებებიდან, დაზღვეულის ქცევის ცვლილებებიდან, ბუნებრივი კატაკლიზმებიდან და ტერორისტული საქმიანობიდან.

სადაზღვევო საქმიანობიდან გამომდინარე ორგანიზაცია ასევე დგას საბაზრო რისკის წინაშე. ორგანიზაცია სადაზღვევო რისკებს მართავს დამკვიდრებული სტატისტიკური ტექნიკური საშუალებების მეშვეობით, რისკების გადაზღვევით, ანდერაიტინგული ლიმიტებით, ტრანზაქციების ავტორიზაციის პროცედურებით, საფასო გაიდლაინით და გამოვლენილი საკითხების მონიტორინგით.

4.2 ანდერაიტინგის სტრატეგია

ორგანიზაციის ანდერაიტინგის სტრატეგია მდგომარეობს იმაში, რომ მოახდინოს პორტფელის დივერსიფიკაცია ისე, რომ იგი ყოველთვის შეიცავდეს სხვადასხვა სახეობის არა-კორელაციურ რისკებს და ამავე დროს ყველა სახეობის რისკი გადანაწილებული იყოს პოლისების დიდ რაოდენობაზე.

მენეჯმენტის რწმენით, ეს მიდგომა ამცირებს უარყოფით შედეგებს. ანდერაიტინგის სტრატეგია ჩამოყალიბებულია ბიზნეს გეგმაში, რომელიც ადგენს, რომ ბიზნესის კლასები და ქვე-კლასები უნდა იყოს გაწერილი. სტრატეგია ხორციელდება ანდერაიტინგის გაიდლაინებით, რომლებიც განსაზღვრავს ანდერაიტინგის დეტალურ წესების თითოეული პროდუქტისთვის. გაიდლაინები შეიცავს სადაზღვევო კონცეფციას და პროცედურებს, აღებული რისკის განმარტებებს, ვადებს და პირობებს, უფლებებს და ვალდებულებებს, დოკუმენტაციის მოთხოვნებს, ხელშეკრულების შაბლონებს და პოლისების ნიმუშებს, ტარიფების შესახებ განმარტებებს და სხვა ფაქტორებს რომელიც გავლენას მოახდენს შესაბამის ტარიფებზე. ტარიფების გამოთვლა ეფუძნება ალბათობას და ცვალებადობას. გაიდლაინების მოთხოვნების შესრულებას ზედამხედველობა უწევს ორგანიზაციის მენეჯმენტი მიმდინარე რეჟიმში.

4.2 ანდერაიტინგის სტრატეგია (გაგრძელება)

სხვადასხვა პოლიტიკები და პროცესები, როგორცაა ყველა ახალი და მიმდინარე ზარალის შეფასება, ზარალების მართვის პროცედურების რეგულარული დეტალური განხილვა და შესაძლო თაღლითური ზარალების გამოძიება, ხორციელდება იმის გამო რომ შემცირდეს ზარალები. სადაც შესაძლებელია ორგანიზაცია ახორციელებს ზარალების მიზეზების და ტენდენციების გამოკვლევებს იმ მიზნით, რომ შეამციროს მომავალში შესაძლო მოულოდნელი ნეგატიური გავლენა ორგანიზაციაზე.

ორგანიზაცია ასევე განსაზღვრავს მაქსიმალურ შესაძლო რისკს გარკვეულ კონტრაქტზე ზარალების მაქსიმალური შესაძლო ოდენობის განსაზღვრით.

4.3 სადაზღვევო კონტრაქტების პირობები და დაფარული რისკების ხასიათი

სადაზღვევო კონტრაქტების პირობები რომელსაც მატერიალური გავლენა აქვთ კონტრაქტიდან გამომდინარე მომავალი ფულადი ნაკადების რაოდენობაზე, დროულობაზე და გაურკვევლობაზე მოყვანილია ქვემოთ. ამასთანავე, ეს გვაძლევს ორგანიზაციის მთავარი პროდუქტების და მათგან გამომდინარე რისკების მართვის გზების შეფასების საშუალებას.

4.4 სადაზღვევო რისკების კონცენტრაცია

ორგანიზაციის სადაზღვევო რისკის მთავარი ასპექტი არის სადაზღვევო რისკის კონცენტრაციის სიმჭიდროვე, მაგალითად შეიძლება მოხდეს ისეთი შემთხვევა ან შემთხვევების რიგი, რასაც მნიშვნელოვანი გავლენა ექნება ორგანიზაციის ვალდებულებებზე. ასეთი კონცენტრაცია შეიძლება წარმოიშვას ერთ სადაზღვევო კონტრაქტზე ან შინაარსობრივად დაკავშირებულ კონტრაქტებზე. სადაზღვევო რისკის კონცენტრაციის მნიშვნელოვანი ასპექტი მდგომარეობს იმაში, რომ რისკი შეიძლება აკუმულირებული იყოს მთელ რიგ ინდივიდუალურ სახეობებში.

ორგანიზაციაში რისკების მართვის მთავარი მეთოდი არის: რისკის მართვა ხდება ანდერაიტინგის კუთხით. დაუშვებელია ანდერაიტერმა რისკი შეაფასოს და აიღოს თუ მოგება არ იქნება რისკის შესაბამისი.

4.5 ძირითადი დაშვებები ასანაზღაურებელი ზარალების გამოთვლისას

ძირითადი დაშვებები უკავშირდება იმას, თუ რამდენად განსხვავებული იქნება ზარალებთან დაკავშირებული ორგანიზაციის მომავალი, წარსულში ზარალების განვითარების რეალობისაგან. აღნიშნული მოიცავს თითოეული ზარალის საანგარიშო პერიოდისთვის ზარალების საშუალო ღირებულების, ზარალების მართვის ღირებულების, ზარალების გაუფასურების ფაქტორის, ზარალების რაოდენობის, ზარალის შემთხვევებს შორის შეფერხების, ზარალების შეტყობინებისა და ანაზღაურების მაქსიმალურად მიახლოებით გამოთვლებს. იმის შესაფასებლად, თუ რატომ არის შესაძლებელი, რომ წარსულის ტენდენცია არ გამოვლინდეს მომავალში, ხდება დამატებითი კვალიფიციური განმარტებების გამოიყენება, მაგალითად ერთჯერადი მოვლენა, ცვლილებები საბაზრო ფაქტორებში, როგორცაა საზოგადოების დამოკიდებულება ზარალის მიმართ, ეკონომიკური პირობები, ისევე როგორც შიდა ფაქტორები, როგორც არის აქციათა პორტფელის შემადგენლობა, პოლისის პირობები და ზარალების მართვის პროცედურები.

4.5 ძირითადი დაშვებები ასანაზღაურებელი ზარალების გამოთვლისას (გაგრძელება)

დაშვებები ასევე გამოიყენება იმის შესაფასებლად, თუ რამხელა გავლენას ახდენენ პირობით მაჩვენებლებზე გარე ფაქტორები, მაგალითად სასამართლოს გადაწყვეტილება და სახელმწიფო კანონმდებლობა. სხვა გამოთვლები მოიცავენ საპროცენტო განაკვეთის ცვალებადობას და ცვლილებებს უცხოური ვალუტის კურსებში.

4.6 სენსიტიურობა

ორგანიზაციის მენეჯმენტს მიაჩნია, რომ ბიზნესის მოკლევადიანობიდან გამომდინარე ორგანიზაციის პორტფელი სენსიტიურია ზარალიანობის კოეფიციენტის მოსალოდნელი ცვალებადობის მიმართ. ორგანიზაცია რეგულარულად ცვლის სადაზღვევო ტარიფებს აღნიშნული პარამეტრის ცვლილების შესაბამისად. შედეგად მხედველობაშია მიღებული ცვლილების ნებისმიერი ტენდენცია.

შენიშვნა 5 - ფულადი სახსრები	31.12.2015	31.12.2016
ლარი საბანკო ანგარიშებზე	140 697	42 098
აშშ დოლარი საბანკო ანგარიშებში	128 581	216 163
ჯამურად ფულადი ნაშთები მიმდინარე საბანკო ანგარიშებზე	269 278	258 261
დეპოზიტები ლარებში	402 000	191 472
დეპოზიტები აშშ დოლარებში ლარებში	582 473	2 453 584
ჯამურად ფულადი ნაშთები სადეპოზიტო საბანკო ანგარიშებზე	984 473	2 645 056
ნაღდი ფული სალაროში ლარებში	-	806
სულ ფულადი სახსრები	1 253 751	2 904 122

შენიშვნა 6 - სხვა აქტივები	31.12.2015	31.12.2016
გადახდილი ავანსები	14 140	13 974
მოთხოვნები ანგარიშვალდებული პირების მიმართ	-	350
წინასწარ გადახდილი ხარჯები	-	164
წინასწარ გადახდილი სახელფასო ხარჯები	1 000	-
წინასწარ გადახდილი საშემოსავლო გადასახადი	219	908
მოთხოვნები დამფუძნებლების მიმართ	747 068	-
მისაღები პროცენტები	3 918	2 141
წინასწარ გადახდილი საიჯარო ქირა	3 025	14 766
ჯამურად სხვა აქტივები	769 369	32 302

სს „საერთაშორისო სადაზღვევო კომპანია კამარა“
 ინდივიდუალური ფინანსური ანგარიშგამის შემოსემები
 2016 წლის 31 დეკემბრის მდგომარეობით
 საანგარიშგებო ვალუტა ლარი

**შენიშვნა 7 - ძირითადი
საშუალებები**

საწყისი ღირებულება	მეწის ნაკვეთები	შენიშვნები	ოფისის აღჭურვილობა კომპიუტერული ტექნიკისა და ავეჯის გარდა	კომპიუტერული ტექნიკა და პერიფერიული მოწყობილობები	ავეჯი	სარეკლამო საშუალებები	ავეჯი ტრანსპორტი	ჯამურად
ბალანსი 31/12/2015	28 435	80 217	3 486	12 341	8 620	600	18 780	152 479
დანამატები			2 670	14 301	210	8 400		25 581
აქტივების ჩამოწერა								-

ბალანსი 31/12/2016	28 435	80 217	6 156	26 643	8 830	9 000	18 780	178 060
--------------------	--------	--------	-------	--------	-------	-------	--------	---------

აკუმულირებული ცვეთა

ბალანსი 31/12/2015	-	(2 674)	(397)	(4 568)	(3 004)	(30)	(7 199)	(17 872)
ცვეთა პერიოდისათვის ჩამოწერილი აქტივების ცვეთა		(4 011)	(1 096)	(4 576)	(1 763)	(1 320)	(3 756)	(16 521)
								-

ბალანსი 31/12/2016	-	(6 685)	(1 493)	(9 144)	(4 766)	(1 350)	(10 955)	(34 393)
--------------------	---	---------	---------	---------	---------	---------	----------	----------

წმინდა ღირებულება

ბალანსი 31/12/2015	28 435	77 543	3 089	7 773	5 616	570	11 581	134 607
ბალანსი 31/12/2016	28 435	73 532	4 663	17 499	4 064	7 650	7 825	143 667

შენიშვნა 8 - არამატერიალური აქტივები

	პროგრამული უზრუნველყოფა	ჯამურად
საწყისი ღირებულება		
ბალანსი 31/12/2015	960	960
დანამატები	71 808	71 808
აქტივების ჩამოწერა		-
ბალანსი 31/12/2016	72 768	72 768
აკუმულირებული ცვეთა		
ბალანსი 31/12/2015	(312)	(312)
ცვეთა პერიოდისათვის	(6 427)	(6 427)
ჩამოწერილი აქტივების ცვეთა		-
ბალანსი 31/12/2016	(6 739)	(6 739)
წმინდა ღირებულება		
ბალანსი 31/12/2015	648	648
ბალანსი 31/12/2016	66 029	66 029

შენიშვნა 9 - გადავადებული საგადასახადო აქტივი

	2015 წელი	2016 წელი
წლის დასაწყისი	68 823	53 084
მოგების გადასახადის ხარჯი	(15 740)	11 942
წლის ბოლოს	53 084	65 026

შენიშვნა 10 - სადაზღვევო რეზერვები	31.12.2015	31.12.2016
სადაზღვევო რეზერვები	111 337	17 043
გადავადებული შემოსავალი	38 613	94 463
სულ სადაზღვევო რეზერვები	149 950	111 506

შენიშვნა 11 - სხვა ვალდებულებები	31.12.2015	31.12.2016
მოწიდეზიდან და მომსახურებიდან წარმოქმნილი ვალდებულებები	584	18 733
სხვა კრედიტორული დავალიანება	108 652	108 652
გადასახდელი ქონების გადასახადი	490	757
მიღებული ავანსები	134	1 202
წინასწარ გადახდილი სადაზღვევო პრემია	-	400
სასოფლო-სამეურნეო მიწის გადასახადი	-	21
დავალიანება პარტნიორების წინაშე	-	15 852
მოკლევადიანი ვალდებულებები პრინციპალების წინაშე	61 997	191 472
სულ სხვა ვალდებულებები	171 857	337 089

შენიშვნა 12 - სხვა არასაოპერაციო შემოსავლები	31.12.2015	31.12.2016
შემოსავალი კურსთაშორის სხვაობიდან	105 543	207 104
სასამართლო ბაჟი და სხვა შემოსავალი	-	9 022
სხვა არასაოპერაციო შემოსავალი	22 046	3
სულ სხვა არასაოპერაციო შემოსავლები	127 589	216 130

შენიშვნა 13 - ადმინისტრაციული ხარჯები	31.12.2015	31.12.2016
იჯარის ხარჯი	51 462	91 206
საკანანცელარიო ხარჯები	1 025	1 952
კომპიუტერის ხარჯები	1 652	1 660
მობილური და საოფისე ტექნიკა	-	30
კომუნიკაციის ხარჯები	4 989	9 584
ტრანსპორტირების ხარჯები	8 672	12 263
კომუნალური ხარჯები	961	7 762
საკონსულტაციო და აუდიტის ხარჯები	34 425	25 500
სანოტარო და იურიდიული მომსახურება	5 717	8 398
საბანკო ხარჯები	967	6 201
მივლინების ხარჯები	2 523	-
რემონტის ხარჯები	252	1 844
წარმომადგენლობითი ხარჯები	182	2 241
რეკლამის ხარჯები	6 210	27 436
საოფისე ინვენტარი	10	268
საყოფაცხოვრებო ტექნიკა	862	3 264
დაცვის ხარჯები	-	2 036
ბეჭდვის ხარჯი	-	3 794
თანამშრომელთა კვალიფიკაციის ასამაღლებელი ხარჯები	-	450
სხვა ხარჯები	7 601	6 031
სულ საოპერაციო ხარჯები	127 509	211 919

შენიშვნა 14 - სხვა არასაოპერაციო ხარჯები	31.12.2015	31.12.2016
საკომისიო ელ.გარანტიების რეგისტრაციისათვის	1 890	13 330
ქონების შეფასების საკომისიო	1 100	600
საექვო მოთხოვნებთან დაკავშირებული ხარჯები	-	35
გადახდილი საწევრო სააბონენტოს ხარჯები	-	12 293
სასამართლო ბაჟი და სხვა ხარჯები	27 878	7 709
სხვა არასაოპერაციო ხარჯები	10 011	6 250
სულ სხვა არასაოპერაციო ხარჯები	40 879	40 217

შენიშვნა 15 - ოპერაციები დაკავშირებულ მხარეებთან

დაკავშირებული მხარეები ან ტრანზაქციები დაკავშირებულ მხარეებთან, განსაზღვრულია ბუღალტრული ანგარიშგების საერთაშორისო სტანდარტში #24 დაკავშირებული მხარეების წარდგენა, და წარმოადგენენ:

(ა) კომპანიები, რომლებიც პირდაპირ ან არაპირდაპირ, ერთი ან მეტი შუამავლის მეშვეობით აკონტროლებენ ორგანიზაციას, კონტროლდებიან მის მიერ ან ორგანიზაციასთან ერთად ექვემდებარებიან საერთო კონტროლს (მათ შორის, ჰოლდინგური კომპანიები, შვილობილი საწარმოები და ერთი ძირითადი საწარმოს სხვა შვილობილი საწარმოები);

(ბ) მეკავშირე საწარმოები, რომელთა საქმიანობაზე ორგანიზაციას აქვს მნიშვნელოვანი ზეგავლენა და რომლებიც არ წარმოადგენენ ინვესტორის არც შვილობილ და არც ერთობლივ კომპანიას;

(გ) ერთობლივი საწარმო, სადაც ორგანიზაცია არის დამფუძნებელი;

(დ) ორგანიზაციის, ან დამფუძნებელი კომპანიის უმაღლესი რანგის ხელმძღვანელობა;

(ე) (ა) და (ბ) პუნქტებში აღნიშნული პირების უშუალო ოჯახის წევრები; საწარმოები, რომელთა ხმის უფლების მქონე აქციათა მნიშვნელოვანი პაკეტი, პირდაპირ ან არაპირდაპირ ეკუთვნის იმ პირებს, რომლებიც ჩამოთვლილი არიან დ) და ე) პუნქტებში ან პირები, რომლებზეც შეუძლიათ იქონიონ მნიშვნელოვანი გავლენა.

თითოეული დაკავშირებული მხარის განხილვისას, ყურადღება ეთმობა კავშირის არსს და არა მხოლოდ იურიდიულ ფორმას. ორგანიზაციას და მის მეკავშირე კომპანიებს შორის განხორციელებული ტრანზაქციები, რომლებიც ასევე წარმოადგენენ ორგანიზაციის დაკავშირებულ მხარეებს, შემცირებას დაექვემდებარა ამ კომპანიებში ორგანიზაციის წილის ოდენობით და ამ შენიშვნაში ასეთი ტრანზაქციები არ არის წარმოდგენილი.

შენიშვნა 16 - კაპიტალის მართვა

კაპიტალის მართვისას ორგანიზაცია მიზნად ისახავს:

- უზრუნველყოს ორგანიზაციის უნარიანობა გააგრძელოს თავის საქმიანობა ისე, რომ მფლობელები შემოსავლით უზრუნველყოს; და

- უზრუნველყოს ადეკვატური შემოსავალი მფლობელებისთვის მომსახურების შეფასებით რისკის დონის თანაზომიერად.

ორგანიზაცია განსაზღვრავს კაპიტალის სიდიდეს რისკის პროპორციულად. ორგანიზაცია მართავს და აკორექტირებს კაპიტალის სტრუქტურას ეკონომიკური მდგომარეობისა და ძირითადი აქტივებისათვის მახასიათებელი რისკების ცვლილებების გათვალისწინებით.

აღნიშნულის განსახორციელებლად, შესაძლებელია ორგანიზაციამ დააკორექტიროს დამფუძნებლისთვის გადასახდელი დივიდენდების თანხა, დაუბრუნოს კაპიტალი დამფუძნებელს, გაზარდოს საწესდებო კაპიტალი, ან გაყიდოს აქტივები ვალის დაფარვის მიზნით.

შენიშვნა 17 - გაუთვალისწინებელი გარემოებები

დაზღვევა

სადაზღვევო ინდუსტრია საქართველოში განვითარების ფაზაშია. შესაბამისად, მსოფლიოში მიღებული სადაზღვევო დაცვის ბევრი ფორმა ჯერჯერობით საქართველოში სრულად ხელმისაწვდომი არ არის. ორგანიზაციას არ გააჩნია სრული სადაზღვევო დაფარვა თავის უძრავ ქონებაზე, დანადგარ-აღჭურვილობაზე, საქმის შეწყვეტაზე ან მესამე პირის ვალდებულებაზე კერძო საკუთრებასთან მიმართებაში, ან შემთხვევითობის წყალობით წამოჭრილი რაიმე გარემო ზიანზე ორგანიზაციის საკუთრების ან ოპერაციების მიმართ. სანამ ორგანიზაცია მიიღებს შესაფერის სადაზღვევო დაფარვას, არსებობს რისკი, რომ ზარალს ან ზოგიერთი აქტივის განადგურებას შეიძლება ჰქონდეს მატერიალური უარყოფითი ზეგავლენა ორგანიზაციის ოპერაციებსა და ფინანსურ პოზიციებზე.

სასამართლო დავა

ბიზნესის ჩვეულებრივი ფუნქციონირების პირობებში ორგანიზაციის მიმართ ხორციელდება სამართლებრივი ქმედებები, დავები და საჩივრები. ხელმძღვანელობა თვლის, რომ მაქსიმალური ვალდებულება, რაც კი შეიძლება წარმოიშვას ასეთი დავების შედეგად (თუკი საერთოდ წარმოიშვა), არ იქონიებს მნიშვნელოვან გავლენას ფინანსურ ან მომავალ საოპერაციო შედეგებზე.

დაბეგვრის გაუთვალისწინებელი გარემოებები

საქართველოს საგადასახადო სისტემა შედარებით ახალია და ხშირად იცვლება მისი საკანონმდებლო და ოფიციალური დებულებები, სასამართლო გადაწყვეტილებები, რომლებიც ხშირად ბუნდოვანია, წინააღმდეგობრივია და მათი ინტერპრეტაცია სხვადასხვაგვარად წარმოებს. საგადასახადო კანონმდებლობის დარღვევის შემთხვევაში არანაირი ვალდებულებების, ჯარიმების და საურავების დაწესება არ არის შესაძლებელი, თუ ექვს წელზე მეტი იქნება გასული საგადასახადო წლიდან, როდესაც მოხდა დარღვევა.

აღნიშნული გარემო საქართველოში ქმნის საგადასახადო რისკებს, რომლებიც უფრო არსებითია, ვიდრე სხვა ქვეყნებში. ხელმძღვანელობა მიიჩნევს, რომ იგი ადექვატურად ასრულებს საგადასახადო ვალდებულებებს, ხელმძღვანელობს რა საქართველოში მოქმედი საგადასახადო კანონმდებლობის ინტერპრეტაციების, ოფიციალური აქტებისა და სასამართლოს გადაწყვეტილებების შესაბამისად. მიუხედავად ამისა, შესაბამის ორგანოებს, შესაძლოა ჰქონდეთ სხვა ინტერპრეტაციები და მათი ინტერპრეტაციების წარმატებით აღსრულების შემთხვევაში ფინანსურ ანგარიშგებაზე ზეგავლენა შესაძლებელია იყოს მნიშვნელოვანი.

შენიშვნა 18 - ბალანსის შემდგომი მოვლენები

სს „საერთაშორისო სადაზღვევო კომპანია კამარა“-ს მონაწილეობით საქართველოს სასამართლოში არ მიმდინარეობს დავა.

საქართველოს უზენაეს სასამართლოში ყოფილი აქციონერის მიერ წარდგენილია საკასაციო საჩივარი, რომელიც შეეხება კომპანიის აქციონერებსა და ყოფილ პარტნიორს შორის დავას.

სს „საერთაშორისო სადაზღვევო კომპანია კამარა“-ს ამჟამინდელ აქციონერებსა და ყოფილ პარტნიორ ფაზილ ალიევს შორის მიმდინარეობს სასამართლო დავა 2014 წლის 27 ნოემბერს შ.პ.ს. „საერთაშორისო სადაზღვევო კომპანია კამარა - KAMARA“-ს დამფუძნებელ პარტნიორთა კრების ოქმით პარტნიორების მიერ ნაკისრი ერთ-ერთი დამატებითი ვალდებულების შეუსრულებლობის თაობაზე.

ვინაიდან შ.პ.ს. „საერთაშორისო სადაზღვევო კომპანია კამარა - KAMARA“-ს ყოფილმა პარტნიორმა ფაზილ ალიევმა წესდებითა და ოქმით გათვალისწინებული ფორმით არ განახორციელა შპს „საერთაშორისო სადაზღვევო კომპანია კამარა-KAMARA“-ში 50%-ის ოდენობით ფულადი შენატანი და ვალდებულება შეასრულა მხოლოდ ნაწილობრივ, მის საკუთრებაში არსებული უძრავი ქონების კომპანიისთვის გადაცემის გზით, მოხდა მისი კუთვნილი წლი უსასყიდლოდ დათმობა დანარჩენი პარტნიორების მიმართ. ანუ, პარტნიორები შეთანხმდნენ, რომ ვინაიდან ფაზილ ალიევს შენატანი არ განუხორციელებია და არაუზრუნველყოფილი საბანკო გარანტიების გაცემის შედეგად კომპანიას მიაყენა ფინანსური ზარალი, მან იკისრა ვალდებულება, კუთვნილი წლი უსასყიდლოდ დაეთმო დანარჩენი პარტნიორებისთვის. აღნიშნულთან დაკავშირებით ვინაიდან ფაზილ ალიევი საკუთარი ნებით ტოვებდა საზოგადოებას. მან როგორც წილის მესაკუთრემ ცალკე დადებული მხარეთა მორიგებისა და წილის დათმობის შესახებ ხელშეკრულებით უსასყიდლოდ განკარგა კუთვნილი წილი. მხარეთა მორიგებისა და წილის დათმობის შესახებ ხელშეკრულება წარდგენილ იქნა საჯარო რეესტრში და განხორციელდა შესაბამისი რეგისტრაცია.

დამფუძნებელ პარტნიორთა კრების ოქმით პარტნიორებმა განიხილეს და გადაწყვიტეს საზოგადოებასთან დაკავშირებული რამდენიმე საკითხი, მათ შორის ასევე, ერთ-ერთი საკითხი შეეხებოდა შენატანის უკან დაბრუნებას, კერძოდ პარტნიორთა კრებად დღის წესრიგით გაითვალისწინა შენატანის (ფაზილ ალიევის მიერ კომპანიისთვის გადაცემული უძრავი ქონების მდებარე: თბილისი, სოფელი ფონიჭალა, ს/კ:81.05.03.206) უკან დაბრუნების საკითხი და მიიღო შესაბამისი გადაწყვეტილება. ამავე საკითხთან მიმართებით, პარტნიორები, მათ შორის ფაზილ ალიევიც შეთანხმდნენ, რომ მოხდებოდა შენატანის უკან დაბრუნება. საზოგადოების პარტნიორებმა იკისრეს ვალდებულება, რომ 6 (ექვსი) თვის ვადაში მოხსნიდნენ ყადაღას და შემდეგ მოხდებოდა ფაზილ ალიევისთვის სახლის საკუთრებაში გადაცემა.

ეს 6 (ექვსი) თვე იყო პირობითი, ვინაიდან პარტნიორები ფიქრობდნენ, რომ მოცემული ეტაპისთვის დამთავრდებოდა ის სასამართლო დავები, რომლებიც ფაზილ ალიევის საზოგადოების დირექტორად ყოფნის პერიოდში გაცემული არაუზრუნველყოფილი საბანკო გარანტიების გაცემის გამო წარმოიშვა.

შენიშვნა 18 - ბალანსის შემდგომი მოვლენები (გაგრძელება)

კერძოდ, ფაზილ ალიევის საზოგადოების დირექტორად ყოფნის პერიოდში, მის მიერ შპს „საერთაშორისო სადაზღვევო კომპანია კამარა-KAMARA“-ს სახელით გაცემულ იქნა არაუზრუნველყოფილი საბანკო გარანტიები, რომლებთან დაკავშირებითაც მიმდინარეობდა სასამართლო დავები და ამ მიზნით ყადაღა ჰქონდა დადებული აღნიშნულ უძრავ ნივთს (მხარეთა მორიგებისა და წილის დათმობის შესახებ ხელშეკრულებაში, ფაზილ ალიევი აცხადებს და ადასტურებს, რომ მის მიერ შპს „საერთაშორისო სადაზღვევო კომპანია კამარა-KAMARA“-ს მმართველობის პერიოდში კომპანიამ მიიღო ფინანსური ზარალი არაუზრუნველყოფილი საბანკო გარანტიების გაცემის შედეგად).

როგორც ზემოთ აღვნიშნეთ, უძრავ ქონებაზე საზოგადოების პარტნიორების მიერ განსაზღვრული ყადაღის მოხსნის ვადა - 6 (ექვსი) თვე იყო პირობითი, ვინიდან პარტნიორები ფიქრობდნენ, რომ მოცემული ეტაპისთვის დამთავრდებოდა არსებული სასამართლო დავები და უძრავ ქონებაზე მოიხსნებოდა ყადაღა, რადგან სასამართლო პროცესები აღნიშნულ ვადაში ვერ დასრულდა, პარტნიორებისგან დამოუკიდებელი ობიექტური მიზეზების გამო ქონებაზე ვერ მოიხსნა ყადაღა. ფაზილ ალიევმა „კამარას“ პარტნიორების წინაამდებე შეიტანა სარჩელი სასამართლოში და იმის გამო, რომ უძრავი ქონება შეთანხმების მიხედვით 6 (ექვსი) თვეში არ დაბრუნებია მოითხოვა არა ვალდებულების შესრულება (ქონების დაბრუნება) არამედ კრების ოქმის ბათილად ცნობა და პირვანდელი მდგომარეობის აღდგენა.

თბილისის საქალაქო სასამართლოს სამოქალაქო საქმეთა კოლეგიის 2015 წლის 25 ნოემბრის გადაწყვეტილებით სასამართლომ ფაზილ ალიევის სარჩელი დააკმაყოფილა და ბათილად ცნო, შპს „საერთაშორისო სადაზღვევო კომპანია კამარა-KAMARA“-ს დამფუძნებელ პარტნიორთა 2014 წლის 27 ნოემბრის კრების ოქმის ის ნაწილი, რომლითაც მოსარჩელე ფაზილ ალიევმა მისი წილიდან -50%-დან 17% დათმო ჰუსეინ იამანის, 17% ჩეთინ აიდიინის, ხოლო 16% მოპასუხე მეჰმედ აკიფ აფშარის სასარგებლოდ და მოპასუხეებმა ჰუსეინ იამანმა, ჩეთინ აიდიინმა და მეჰმედ აკიფ აფშარმა აიღეს შპს „საერთაშორისო სადაზღვევო კომპანია კამარა-KAMARA“-ს საკუთრებაში არსებული ქონების-სოფელ ფონიჭალაში მდებარე უძრავი ქონების ყადაღისგან 6 (ექვსი) თვის განმავლობაში გათავისუფლების და ფაზილ ალიევისთვის საკუთრების უფლებით გადაცემის შესახებ ვალდებულებები. თბილისის საქალაქო სასამართლოს სამოქალაქო საქმეთა კოლეგიის 2015 წლის 25 ნოემბრის გადაწყვეტილება ს.ს „საერთაშორისო სადაზღვევო კომპანია კამარა“-ს აქციონერებმა გაასაჩივრეს სააპელაციო წესით. ქ. თბილისის საპელაციო სასამართლოს სამოქალაქო საქმეთა პალატის 2016 წლის 29 სექტემბრის გადაწყვეტილებით ს.ს „საერთაშორისო სადაზღვევო კომპანია კამარა“-ს აქციონერების ჰუსეინ იამანის, ჩეთინ აიდიინისა და მეჰმედ აკიფ აფშარის სააპელაციო საჩივარი დაკმაყოფილდა, კერძოდ: თბილისის საქალაქო სასამართლოს სამოქალაქო საქმეთა კოლეგიის 2015 წლის 25 ნოემბრის გადაწყვეტილების შეცვლით მიღებულ იქნა ახალი გადაწყვეტილება და ფაზილ ალიევის სარჩელი არ დაკმაყოფილდა. სააპელაციო სასამართლოს გადაწყვეტილება ფაზილ ალიევმა გაასაჩივრა საქართველოს უზენაეს სასამართლოში.

შენიშვნა 18 - ბალანსის შემდგომი მოვლენები (გაგრძელება)

ფაზილ ალიევის ს.ს „საერთაშორისო სადაზღვევო კომპანია კამარა“-ს აქციონერების წინამდებარე წართხელი სასამართლო დავა, ს.ს „საერთაშორისო სადაზღვევო კომპანია კამარა“-ს საკუთრებაში არსებული უძრავი ქონების (საკადასტრო კოდი: 81.05.03.206) ფაზილ ალიევისათვის დაბრუნების (საკუთრებაში გადაცემის) ნაწილში, არ წარმოშორს ს.ს „საერთაშორისო სადაზღვევო კომპანია კამარა“-ს დამატებით ფინანსურ ვალდებულებას, რადგანაც აღნიშნული ქონების ღირებულება (დამოუკიდებელი აუდიტორული კომპანიის მიერ შეფასებული თანხის გათვალისწინებით) ს.ს „საერთაშორისო სადაზღვევო კომპანია კამარა“-ს მიერ შესაბამის ფინანსურ მონაცემებში ასახულია როგორც კრედიტორული დავალიანება.

შენიშვნა 19 - საწარმოს უწყვეტობის განხილვა

2016 წლის პერიოდში მენეჯმენტი მიიჩნევს და დარწმუნებულია, რომ ორგანიზაციის უწყვეტ ფუნქციონირებას საფრთხე არ ემუქრება და არც თვითონ აქვთ ორგანიზაციის ლიკვიდაციის ან საქმიანობის მნიშვნელოვანი შეზღუდვის გეგმები.